

Suliffeqarfiup politikkaa uunga

Inuiaqatigiinnut akisussaaffik (CSR)

1. Politikkip siunertaa

Piujartitsilluni ineriartortitsinissamut Tusassimi sulisut ataatsimoorlutik akisussaaffeqarput. Ineriartortitsineq inuiaqatigiinnut peqataaffigisatsinnut naleqalersitsisoq. Politikkip qulakkiissavaa akisussaassuseqartumik ingerlatserusussuseqarnitta eqqortinneqarnissaa.

2. Politikkip saaffigisai

Politikki kikkunnut atuuppa? Tusassimi sulisunut tamanut.

Sumi politikki atuuppa? Tusassimi.

Atuutinnngiffiusinnaasut, sukateriffissat imaluunniit nassuiaatai

3. Politikkip allaaserinera (*tunngaviusup pingaarnerit, akisussaaffik aamma pisussaaffiit*)

Niveqatigiilluarneq inuiaqatigiinnut naleqalersitsisarpoq

Tusass inuiaqatigiinni immikkuullarissumik inissimavoq immikkuullarissumillu akisussaassuseqarluni aamma qanoq niveriaaseqarnerput pingaarutilipilussuavoq. Inuiaqatigiit ataqaqatigiisippavut telekkut allakkatigullu Kalaallit Nunaannut tamarmut atassuteqaqatigiinnermik nioqquteqarnittigut. Nunarsuarmut ammaavugut aamma nunarsuaq qaninnerutilerparput, inuiaqatigiit sullitavullu attassuteqaataatitsinnik atuinissaannut periarfissikkaagatsigit, attaveqaqatigiinnerniit niveqatigiinnernut, ilinniarnerniit aliikkutassaqaqarnernut. Tamakku tamarmik ineriartornermik pilersitsisarput, inuiaqatigiinnullu suliaasaavoq annertoq, uagut tulluusimaarluta ingerlatarput.

Imatut immikkuullarissuseqarpugut

Niveqatigiinnermik akisussaassuseqartumik ingerlatsivugut, sulisussutsinnut, sumiiffinni inuiaqatigiinnut ilaaffitsinnut avatangiisaannullu, isumassuillutalu ataqqinnittuulluta. Pitsaasumik patajaatsumillu niveqatigiinnermik ingerlatsivugut, digitaliusunut aningaasaliissutissat Kalaallit Nunaannut iluaqutissat, eqqumaffigalutigit. Ilisimasavut, misilittakkavut imikkullu piginnaasavut sakkugalugit ineriartornermik naleqalersitsisumik pilersitsisarput.

Piujartitsinermut nunarsuarmioqatigiinni isummat tunngaviusut

UN Global Compactimut, suliffeqarfiit akisussaassuseqartut suliniaqatigiiffiisa nunarsuarmi annersaannut, Tusass ilaasortaavoq. Inuit pisinnaatitaaffiini isummanut pingaarnernut qulinut, sulisut pisinnaatitaaffiinnut, avatangiisinut aamma peqquserluttuliornaveersaartitsinermut akisussaassuseqarnissarput ilaasortaannitsigut pisussaaffilerneqarpugut. Taakkununga tapertaraavut maani CSR Greenlandimut aamma Transparency International Greenlandimut, tamarmik Kalaallit Nunaanni akisussaassuseqarnerup siuarsannissaanut sulissuteqartunut, ilaasortaanerput. Isummat tunngaviusut qanoq akisussaassuseqartumik ileqqulersortarnissatsinnut sinaakkutissanik politikkinik aamma najoqqutassianik ikorfartorneqarput.

Nalunaarusiortarneq

Ukiumoortumik naatsorsuutiniq nalunaarusiortarnermut inatsimmi malittarisassat najoqqutaralugit inuiaqatigiinnut akisussaaqqeqarnerput nalunaarusiortarneqartassaaq. Immikkut nalunaarusiami "Communication on Progress"-imi, UN Global Compactimut ilaasortaanitsigut saqqummersinneqartartussakkut, piujuartitsineq pillugu ineriartornerup nalunaarusiarineqartarfissaani aamma allaaserisassavavut Suliffeqarfiup inuiaqatigiinnut suliniutai, taakkulu ineriartorneri.

4. Unioqqutitsisoqartillugu kinguneqartitsineq pillaatissallu

-

5. Inatsimmi tunngavissaq imaluunniit tunngaviusumik politikki pingaarneq alla

Ukiumoortumik naatsorsuutiniq inatsit § 99 a, UN Global Compact isummat tunngaviusut qulit.

6. Politikkip nutarternissaanut immikkoortoqarfik akisussaasoq

Periusissiorneq piujuartitsinermillu immikkoortortaqarfik.

7. Akuerineqarfia

Pisortaqaqatigiinni akuerineqarpoq 09-12-2019.